

BOPHATLALATSI BA DITABA

SARS MMOHO LE DI-HAWKS BA BOELA BA NONYETSA HO HWEBE KA DITHETHEFATSI KA HO HAPA KHOKHEINE MANE BOEMAKEPENG BA DURBAN

Tshwane, 9 Phuptjane – Ditshebeletso tsa Lekgetho tsa Afrika Borwa (SARS) ka tshebedisano le Bolaodi ba Diphuputso tsa Bonokwane ba Mantlha (Hawks) ba hapile ditena tse 30 tsa khokheine mane Boemakepeng ba Durban.

Kgaoletso e etsahetseng kajeno mane KwaZulu-Natal e latela e kgaoletso ya moraorao tjena e etsahetseng matsatsing a mararo a fetileng, moo khokheine ya boima ba 90 kg e neng e patilwe dikgofung tse tswang Brazil e ileng ya kgaoletswa hona boemakepeng bona. Matsholo ana a bontsha matsapa a matla a maqulwana a bonokwane bo hlophisitsweng a ho tsamaisa dithethefatsi ho phatlalla le Afrika Borwa, mme ana a kopana le karabelo e matla ho tswa ho ba phethahatso ya molao.

Ho kgaoletswa hona ke karolo ya matsapa a tswelang a pakeng tsa SARS le mekgatlo e meng ya matjhaba ya phethahatso ya molao ya ho lwantshana le kgwebisano e seng molaong mmoho le bonokwane bo pakeng tsa dinaha. Ka tshebediso ya mekgwa ya ho profaela tse ka bakang kotsi le ho toba tse itseng, sekepe se neng se jere dikhontheina se neng se tswa Amerika Borwa se ile sa hlwauwa hore se tle se hlahlojwe nakong eo se neng se fihla Boemakepeng ba Durban.

Sehlopha sa Bolaodi ba Meedi sa Durban se ile sa kena sekepeng sena mme sa fumana khontheina e neng e le ka tlasetlase mme ka nako ena ya hlahlobo Bolaodi ba Meedi bo ile ba hlokomela hore ho na le dikarolo tse itseng tse neng di sa tiwaeleha. Sena se bakile hore ho etswe phenyo e tebileng mme ha fumanwa dithethefatsi tse fetolang semelo (dinakhothiki) tse neng di patilwe mme sesebediswa se kukehang sa hlahlobo se tiisitse hore sena ke ditena tse 30 tsa khokheine ya makgonthe.

Moqeqeko ona o ile wa suptjwa ka thuso ya ho profaelwa hwa mautlwela le bohlahlobi ba tse ka bakang kotsi tse entsweng ke bahlanka ba Bolaodi ba Meedi ba SARS. Dihlahlobo tsena tse tobileng, tse tshehetswang ke dintja tse fofonelang le nnetefatso e etswang hona sebakeng seo, e bakile hore ho fumanwe dithethefatsi tsena tse neng di patilwe. Khomeshenara ya SARS Ngaka Johnstone Makhubu mmoho le Hlooho e tshwereng mokobobo ya di-Hawks, Lieutenant General Sphesihle Nkosi, ba tobokeditse molemo wa phethahatso e kopanetsweng ya molao ho phatlalla le mekgatlo.

“Ona ke mohlala wa se etsahalang ebang re sebetsa jwalo ka mmuso o le mong. SARS le di-Hawks ba sebetsa mmoho ka tsela eo mokgatlo o mong o tlang ka lesedi mme o le fetisetse ho di-Hawks tshebedisanong ena. Dikgaoletso tsena di supa hore re sitisa le ho kwala dikgeo tseo marangrang ana a dinkowane a di sebedisang. Re ntlafatsa le ho beha leihlo madiboho a rona ka tsela e ntlafatseng ya ho profaelwa ha dithoto mmoho le dihlahlobo tse tobileng. Molaetsa wa rona o totobetse, madiboho a Afrika Borwa ha a bulelwa kgwebisano e seng molaong,” ho rialo Ngaka Makhubu.

“Dithethefatsi di senya malapa, baahi le naha ka bophara. Ena ha se ntho e etsahalang mona feela, e etsahala mekgahlelong yohle ya setjhaba. Re tla tswela pele ho sebetsa mmoho le balekane ba rona ho tsenkolla marangrang ana le ho sireletsa ikhonomi ya rona le batho ba rona,” o tlatsitse ka ho rialo Ngaka Makhubu.

Lieutenant General Nkosi o boletse hore diphetho tsena di toboketsa tshebedisano e teng pakeng tsa mekgatlo. “Dikatheho tsena ke sephetho sa tshebedisano e matla. Ha re kopanya bokgoni ba rona, re ba boemong bo botle ba ho fokisa, ho kgaoletsa le ho fuputsa ditshebetso tse tshopodi tsa bonokwane. Ho tsamaiswa ha dithehefatsi ha se feela taba ya phethahatso ya molao; e boela e le kotsi e tjamelaneng le setjhaba. E hlohleletsa dikgoka, e fokodise baahi le ho utlwisa bana ba rona bohloko.

Re tla sala morao bao ba jarang boikarabelo ba tsena hohle moo ba leng teng, hona mona lapeng le ho phatlalla le madiboho, le hore ba jare boikarabelo ba diketso tsena tsa bona. Ba molao ba sebetsa e le ntho e le nngwe ho tiisa karabelo ba rona mabapi le sena. Bao ba kenyang dithethefatsi ka hare ho naha ena ba tla tsejwa, ba salwe morao le hore mehato e nkuwe kgahlano le bona.”

SARS mmoho le balekana ba yona ba phethahatso ya molao ba tla tswela pele ho ntlafatsa taolo makenong a naha. Dikgapo tsa moraora tjena ke karolo ya matsapa a batsi a ho nonyetsa marangrang a bonokwane bo hlophisitsweng le ho sireletsa kgwebisano e molaong.

Bakeng sa dipotso tse mabapi le bophatlalatsi ba ditaba, ikopanye le SARS Media ho SARSMedia@sars.gov.za le MogaleK@saps.gov.za .



KE PHETHO.